

黃氏逸書考

通德堂經解

逸書考

毛詩譜

甘泉黃奭學

序

詩之興也諒不於上皇之世大庭軒轅逮於
高辛其時有亡載籍亦蔑云焉虞書曰詩言
志歌永言聲依永律和聲然則詩之道放於
此乎有夏承之篇章泯弃靡有子遺邇及商
王不風不雅何者論功頌德所以將順其美
刺過譏失所以匡救其惡各於其黨則爲法

民國甲戌

毛詩譜

江都朱氏

者彰顯爲戒者著明周自后稷播種百穀黎
民阻飢茲時乃粒自傳於此明也陶唐之末

中葉

一作夏
之中葉

公劉亦世修其業以明民其財

至於大王王季克堪顧天文武之德光熙前
緒以集大命於厥身遂有天下父母使民有
政有居其時詩風有周南召南雅有鹿鳴文
王之屬及成王周公致大平制禮作樂而有
頌聲興焉盛之至也本之由此風雅而來故
皆錄之謂之詩之正經後王稍更陵遲懿王

始受譖亨齊哀公夷身失禮之後邴不尊賢
自是而下厲也幽也政教尤衰周室大壞十
月之交民勞板蕩勃爾皆作衆國紛然刺怨
相尋五霸之末上無天子下無方伯善者誰
賞惡者誰罰紀綱絕矣故孔子錄懿王夷王
時詩迄於陳靈公淫亂之事謂之變風變雅
以爲勤民恤功昭事上帝則受頌聲弘福如
彼若違而弗用則被劫殺大禍如此吉凶之
所由憂娛之萌漸昭昭在斯足作後王之鑒

于是止矣夷厲已上歲數不明大史年表自
共和始歷宣幽平王而得春秋次第以立斯
譜欲知源流清濁之所處則循其上下而省
之欲知風化芳臭氣澤之所及則傍行而觀
之此詩之大綱也舉一綱而萬目張解一卷
而眾篇明於力則鮮於思則寡其諸君子亦
有樂於是與

周南召南

周召者禹貢雍州岐山之陽地名今屬右扶

風美陽縣地形險阻而原田肥美周之先公
曰大王者辟狄難自邇始遷焉而修德建王
業商王帝乙之初命其子王季爲西伯至紂
又命文王與治南國江漢汝旁之諸侯於時
三分天下有其二以服事殷故雍梁荆豫徐
揚之人咸被其德

周禮職方氏疏引雍梁以
下十二字人作民德作化

而從之文王受命作邑於豐乃分岐邦周召
之地爲周公旦召公奭之采地施先公之教

於已所職之國武王伐紂定天下巡守述職

陳誦諸國之詩以觀民風俗

初學記禮部上巡守引武王之

下無誦字民下有之字俗作也字

六州者得二公之德教尤

純故獨錄之屬之大師分而國之其得聖人之化者謂之周南得賢人之化者謂之召南言二公之德教自岐而行於南國也乃弃其餘謂此爲風之正經初古公亶父聿來胥宇爰及姜女其後大任思媚周姜大妣嗣徽音歷世有賢妃之助以致其治文王刑於寡妻至于兄弟以御于家邦是故二國之詩以后

妃夫人之德爲首終以麟趾騶虞言后妃夫人有斯德興助其君子皆可以成功至於獲嘉瑞風之始所以風化天下而正夫婦焉故周公作樂用之鄉人焉用之邦國焉或謂之房中之樂者后妃夫人侍御於其君子女史歌之以節義序故耳射禮天子以騶虞諸侯以貍首大夫以采蘋士以采芣爲節今無貍首周衰諸侯竝僭而去之孔子錄詩不得也爲禮樂之記者從後存之遂不得其次序周

公封魯死諡曰文公召公封燕死諡曰康公
元子世之其次子亦世守采地在王官春秋
時周公召公是也問者曰周南召南之詩爲
風之正經則然矣自此之後南國諸侯政之
興衰何以無變風答曰陳諸國之詩者將以
知其缺失省方設教爲黜陟時徐及吳楚僭
號稱王不承天子之風今弃其詩夷狄之也
其餘江黃六蓼之屬旣驅陷於彼俗又亦小
國猶邾滕紀莒之等夷其詩蔑而不得列於

此

邶鄘衛

邶鄘衛者商紂畿內方千里之地其封域在

禹貢冀州大行之東

詩邶柏舟釋文引邶鄘衛者殷紂畿內地名屬

古冀州北踰衡漳東及兗州桑土之野周武

王伐紂以其京師封紂子武庚爲殷後庶殷

頑民被紂化日久未可以建諸侯乃三分其

地置三監使管叔蔡叔霍叔尹而教之自紂

城而北謂之邶南謂之鄘東謂之衛

邶釋文引此三

民國甲戌

毛詩譜

五江都朱氏

句謂之武王既喪管叔及其羣弟見周公將

攝政乃流言於國曰公將不利於孺子周公

避之居東都詩文王序正義引周公避居東都六字二年秋大

孰未穫有雷電疾風之異及後成王悅而迎

之反而遂居攝三監導武庚叛成王既黜殷

命殺武庚復伐三監更於此三國建諸侯以

殷餘民封康叔於衛使爲之長後世子孫稍

并彼二國混而名之左傳襄二十九年正義引武王伐紂以下至此

管叔上無使字使字在尹而上而字下有監

字無既喪至反而遂五十九字作崩後五年

周公六字稍下有彊兼二字混下有其地二字七世至頃溪當周夷

王時衛國政衰變風始作故作者各有所傷

從其國本而異之爲邶鄘衛之詩焉左傳襄二十九年正義引作者已下國本作本國而異之作

分而異之爲上有故字正義曰衛世家云康叔卒子康伯立卒子靖伯立卒子貞伯立卒子頤

侯立卒子釐侯立四十二年卒子共伯餘立

其伯弟和攻其伯共伯自殺衛人立和是爲

武公五十年卒于莊公楊立二十三年卒大

子完立是爲桓公十六年州吁殺桓公而自

立九月殺州吁子濮迎桓公子晉於邢而立

之是爲宣公十九年卒大子朔立是爲惠公

四年奔齊立公子黔牟立八年惠公復入三

十三年卒子懿公赤立九年爲狄所滅立昭

民國甲戌巳寺曾六江都朱氏

伯頌之子申爲戴公元年卒立弟燬是爲文
公此其君次也鄭數君世諸國不同齊陳并
數有詩之君此及曹不數頌公共公及魯則
并數此皆隨便而言不爲例也柳柏舟云頌
公之時頌公詩也絳衣云莊姜傷已妾上僭
當莊公時則莊公詩也燕燕云莊姜送歸妾
妾非夫人所當出出不當夫人送明子死乃
送之是州吁詩也日月終風擊鼓序皆云州
吁凱風從上明之皆州吁詩也雄雉苑有苦
葉序言宣公舉其始新臺二子乘舟復言宣
公詳其終則谷風式微旄邱簡兮泉水北門
北風靜女在其間皆宣公詩也鄘柏舟云其
伯蚤死其妻守義明武公時作武公詩也牆
有茨公子頌通於君母君母惠公母則惠公
詩也鶉之奔奔云宣姜亦惠公母則君子偕
老桑中在其間亦惠公詩也定之方中螽蟪
伯鼠千旄序皆云文公文公詩可知載馳序
云懿公爲狄所滅露於漕邑則戴公詩也在

文公下者後人不能盡得其次爛於下耳衛
淇奧云美武公武宣公詩矣考槃碩人序皆云
莊公莊公詩也氓云宣公之時竹竿從上言
之宣公詩也其蘭刺惠公惠公詩也河廣云
宋襄公母歸於衛母雖父所出而文繫襄公
明襄公卽位乃作襄公以魯僖十年卽位二
十一年卒終始當衛文公文公詩矣伯兮云
爲王前驅有狐序云男女失時在河廣木瓜
閒似文公詩但文惠無從王征伐事蔡衛陳
從王伐鄭當宣公時則伯兮宣公詩也伯兮
既宣公詩則有孤男女失時之歌亦宣公詩
也與伯兮俱爛於此本在芄蘭之上序者於
氓舉國公以明下故不復言宣公耳推此則
換爛在作序後故舉上明下若本第於此則
伯兮宜言謚不宜越芃蘭河廣而蒙氓序也
木瓜云齊桓公救而封之則文公詩也鄭於
左方中皆以此知之然鄭於其君之下云某
篇某作者準其時之事而言某作未必卽此
民國甲戌

毛詩譜

七江都朱氏

吾之世作也擊鼓序正義云譜依
世家以桓公爲平王三十七年卽位

檜

檜者古高辛氏火正祝融之墟檜國在禹貢

豫州外方之北

陳譜正義引此句無禹貢字

滎波之南居

溱洧之間

鄭譜正義引此五字間作地誤也

祝融氏名黎其

後八姓唯妘姓檜者處其地焉周夷王厲王

之時檜公不務政事而好絜衣服大夫去之

於是檜之變風始作其國北鄰於號

正義曰檜無世

家詩止四篇事頗相類或在一君時作故鄭於左方中不復分之

鄭

初宣王封母弟友於宗周畿內咸林之地是

爲鄭桓公今京兆鄭縣是其都也

鄭釋文引宗周圻內

咸林之地今京兆鄭縣是其都也十七字

又云爲幽王大司徒

井山

鼎七經孟子考文作

桓公爲幽王大司徒甚得周眾與東土之人

問於史伯曰王室多故余懼及焉其何所可

以逃死史伯曰其濟洛河潁之間乎是其子

男之國虢鄆爲大虢叔恃勢鄆仲恃險皆有

驕侈怠慢之心加之以貪冒君若以周難之

民國甲戌

毛詩譜

八江都朱氏

故寄帑與賄不敢不許是驕而貪必將背君
君以成周之眾奉辭罰罪無不克矣若克二
邑鄆蔽補丹依疇歷華君之士也修典刑以
守之惟是可以少固桓公從之言然之嚴氏詩輯

無此三字王謨漢魏遺書鈔作桓公然其言從之

後三年幽王爲犬

戎所殺桓公死之其子武公與晉文侯定平
王於東都王城卒取史伯所云十邑之地右
洛左濟前華後河食溱洧焉今河南新鄭是
也武公又作卿士國人宜之鄭之變風又作

正義曰案左傳及鄭世家武公生莊公莊公
生太子忽是爲昭公又生公子突是爲厲公
又生公子亶公又生公子儀春秋桓十一年夏五月
莊公卒昭公立其年九月奔衛厲公立桓十
五年夏奔蔡六月昭公入桓十七年高渠彌
弑昭公立子亶十八年齊人殺子亶鄭人立
子儀莊十四年傳瑕殺子儀納厲公厲公前
立四年出奔至此復入莊二十一年卒前後
在此位凡十一年卒子文公躒立四十五年卒
此其君世之次也緇衣序云美武公則武公
詩也將仲子叔于田大叔子田序皆云刺莊
公而清人下有羔裘遵大路女曰雞鳴遵大
路序云莊公失道則此三篇通上將仲子等
六篇皆莊公詩也有女同車山有扶蘇薤兮
狡童及揚之水皆云刺忽則襄裳丰東門之
墀風雨子衿在其間皆爲昭公詩也有女同
車序云至於見逐則爲被逐而作是忽前立
時事山有扶蘇薤兮狡童刺忽所美非賢權
民國甲戌

毛詩譜

九江都朱氏

臣擅命忽前立時月淺則此三篇後立時事也
也襄裳是突前篡之初國人欲以鄰國正之
宜是突初年事丰東門之墀風雨子衿直云
刺亂世或當突篡時或當忽入後其時難知
要是忽爲其主雖當突前篡之時亦宜繫忽
故序於揚之水又言忽以明之經云終鮮兄
弟則兄弟已爭是後立之事出其東門序云
公子五爭野有蔓草序云民窮於兵革溱洧
序云兵革不息皆三公子既爭之後事也公
子五爭突最在後得之則此二篇厲公詩也
清人刺文公文公詩也鄭
於左方中皆以此而知

齊

齊者古少皞之世爽鳩氏之墟周武王伐紂
封大師呂望於齊是謂齊大公地方百里都

營邱周公致大平敷定九畿復夏禹之舊制
成王用周公之法制廣大邦國之境而齊受
上公之地更方五百里其封域東至於海西
至於河南至於穆陵北至於無棣在禹貢青
州岱山之陰濰淄之野其子丁公嗣位於王
官後五世哀公政衰荒淫怠慢紀侯譖之於
周懿王使亨焉齊之變風始作

正義曰齊世
家云大公卒

子丁公立卒子乙公得立卒子癸公慈母立
卒子哀公不辰立紀侯譖之周亨哀公而立
其弟靜是爲胡公夷王時哀公同母少弟山
殺胡公而自立是爲獻公卒子武公壽立卒
民國甲戌

毛詩譜

十江都朱氏

子厲公無忌立卒子文公赤立卒子成公說
立卒子莊公購立卒子釐公祿父立卒子諸
兒立此其君世之次也雞鳴還序皆云刺哀
公則哀公詩也著東方之日東方未明三篇
皆云刺而不舉謚則舉上明下亦哀公詩矣
南山甫田盧令載驅皆云刺襄公則襄公詩
也敝笱刺文姜倚嗟刺魯莊公皆由襄公淫
妹而作亦襄公詩也鄭於左方中皆以此而
知自哀公至於襄公其間有八世皆無詩

魏

魏者虞舜夏禹所都之地在禹貢冀州雷首

之北析城之西周以封同姓焉

文選魏都賦張注引魏已

下至此者作地其下有畢昴之分

其封域南

野五字夏作及同姓下無焉字

枕河曲北涉汾水

魏釋文引云周以封同姓其地虞舜夏禹所都之域

也在古冀州雷首之北析城之西南枕河曲北涉汾水

昔舜耕於歷山

陶於河濱禹菲飲食而致孝乎鬼神惡衣服

而致美乎黻冕卑宮室而盡力乎溝洫此一

帝一王儉約之化於時猶存及今魏君嗇且

褊急不務廣修德於民教以義方其與秦晉

鄰國

國似當在與上

日見侵削國人憂之

或曰此當為其國與

秦晉鄰絕讀之國屬下讀

當周平桓之世魏之變風始作

至春秋魯閔公元年晉獻公竟滅之以其地

民國甲戌

毛詩譜

十二江都朱氏

賜大夫畢萬

文選魏都賦張注引其後晉獻公滅魏以封大夫畢萬十三字

自爾而後晉有魏氏

正義曰鄭於左方中云葛屨至十畝之間爲一

君伐檀碩鼠爲一君

唐

唐者帝堯舊都之

初學記無之字

地今日太原晉陽

是堯始居此

初學記無之字

後乃遷河東平陽

初學

記作後徙平陽

成王封母弟叔虞於堯之故墟

初學記州

郡部河東道引止此

曰唐侯南有晉水至于燮改爲晉

侯其封域在禹貢冀州大行恆山之西大原

大岳之野至曾孫成侯南徙居曲沃近平陽

焉昔堯之末洪水九年下民其咨萬國不粒

文選張景陽雜詩注引堯之末於時殺禮以

洪水九年萬國不粒十一字救艱厄其流乃被於今當周公召公共和之

時成侯曾孫僖侯甚嗇愛物儉不中禮國人

閔之唐之變風始作其孫穆侯又徙於絳云

水經滄水注引此句作晉穆侯遷都於絳

正義曰案晉世家唐叔生晉侯燮燮生武侯

寧族族生成侯服人成侯生厲侯福福生靖

侯宜曰曰生僖侯司徒僖侯生獻侯籍籍生

穆侯費王卒弟殤叔立四十四年為穆侯大子仇

所殺仇立是為文侯三十五年卒昭侯立元

民國甲戌

毛詩譜

十三江都朱氏

年封其叔父成師於曲沃七年爲大^{補刊}臣潘父
所殺子孝侯立十五年爲曲沃莊伯所殺子
鄂侯卻立六年當魯隱五年卒子哀侯光立
九年爲曲沃武公所剪子小子侯立四年武
公誘殺之哀侯弟緡緡立爲晉侯二十八年曲
沃武公伐晉侯緡滅之周僖王命武公爲晉
君武公已即位三十七年矣又二年卒子獻
公詭諸立二十六年卒此其君次也其詩蟋
蟀刺僖公僖公詩也山有樞揚之水椒聊鴉
羽序言昭公昭公詩也綢繆杖杜羔裘在其
間從可知也無衣有杖之杜皆刺武公武公
詩也葛生采苓刺獻公獻公詩也鄭於左方
中皆以此而知

秦

秦者隴西谷多於禹貢近雍州鳥鼠之山堯

詩有伯翳者實臯陶之子佐禹治水水土既
平舜命作虞官掌上下草木鳥獸賜姓曰嬴
歷夏商興衰亦世有人焉周孝王使其末孫
非子養馬於汧渭之間孝王爲伯翳能知禽
獸之言子孫不絕故封非子爲附庸邑之於
秦谷至曾孫秦仲宣王又命作大夫始有車
馬禮樂侍御之好國人美之秦之變風始作
秦仲之孫襄公平王之初興兵討西戎以救
周平王東遷王城乃以岐豐之地賜之始列

爲諸侯遂橫有周西都宗周畿內八百里之

地王城譜正義引橫有西周畿內八百里之地十一字其封東至池

山在荆岐終南惇物之野至立孫德公又徙

於雍云正義曰秦本紀云顓頊孫曰女修生大業大業生大費是爲伯翳生子二

人一曰太廉一曰若木其立孫曰費昌太廉

立孫曰孟戲中衍中衍之後世有功爲諸侯

其立孫曰中濤在西戎保西垂生蜚廉蜚廉

生惡來惡來有子曰女妨生旁皐旁皐生大

儿大几生大緄大緄生非子孝王邑之秦張

日秦嬴生秦侯立十年卒公伯立三年卒秦

仲立生莊公莊公生襄公襄公生文公又公

土靖公靖公生寧公寧公生武公武公卒立

其弟德公二年子宣公立十二年卒弟成公

立四年卒弟穆公任好立三十九年卒子榮

立是爲康公此其君次也其詩車鄰美秦仲
秦仲詩也駟鐵小戎兼葭終南序皆云襄公
襄公詩也黃鳥刺穆公穆公詩也晨風涓陽
權輿序皆云康公康公詩也無衣在其中明
亦康公詩矣故鄭於左
方中皆以此而知也

陳

陳者大皞虞戲氏之墟帝舜之胄有虞閼父
者爲周武王陶正武王賴其利器用與其神
明之後封其子嬀滿於陳都於宛邱之側是
曰陳胡公以備三恪妻以元女大姬其封域
在禹貢豫州之東其地廣平無名山大澤西

望外方東不及明豬大姬無子好巫覡禱祈
鬼神歌舞之樂民俗化而爲之五世至幽公
當厲王時政衰大夫淫荒所爲無度國人傷
而刺之陳之變風作矣正義曰世家云胡公卒子中公厚侯立卒子愼公圉戌立卒子幽公寧立卒子僖公孝立卒子武公靈立卒子夷公說立卒弟平公立卒子文公周立卒長子桓公鯁立三十八年卒弟佗其母蔡女故蔡人爲佗殺五父以桓公太子免而立佗是爲厲公安蔡女數如蔡淫七年太子免之二弟躍林自曰其令蔡人誘殺厲公而立躍是爲利公立五月卒立中弟休是爲莊公七年卒立少弟杵臼是爲宣公四年卒子欽立是爲穆公十六

年卒子共公朔立十八年卒子靈公平國立
此世家所言君次也其詩宛邱東門之粉序
云幽公爲幽公詩矣衡門云誘信公東門之
池東門之楊從上明之亦信公詩也墓門刺
陳佗陳佗詩也防有鵲巢云宣公月出亦從
上明之亦宣公詩也株林澤陂序云靈公靈
公詩也鄭於左方
中皆以此而知

曹

曹者禹貢兗州陶邱之北地名周武王旣定
天下封弟叔振鐸於曹今日濟陰定陶是也
其封域在雷夏荷澤之野昔堯嘗遊成陽死
而葬焉舜漁於雷澤民俗始化其遺風重厚

多君子務稼穡薄衣食以致畜積夾於魯衛
之間又寡於患難末時富而無教乃更驕侈
十一世當周惠王時政衰昭公好奢而任小

人曹之變風始作

曹釋文引昭公已下十四字正義曰曹世家云叔

振鐸卒子太伯脾立卒子仲君平立卒子官

伯侯立卒子孝伯雲立卒子夷伯喜立卒弟

幽伯強立九年弟蘇殺幽伯代立是為蘇伯

二十一年卒子惠伯兒立三十六年卒子碩甫

立弟武攻之代立是為繆公三年卒子桓公

立生立五十五年卒子莊公射姑立三十一

年卒子夷公釐立九年卒子昭公班立九年

卒子共公襄立此其君次也其詩蟋蟀序云

公昭公詩也候人下泉序云共公鳴鵒在

共公詩也鄭於左方中皆以此而知

幽

幽者后稷之曾孫曰公劉者自郃而出所徙

戎狄之地名也

也本錯言孫下

今屬右扶風栒邑公

劉以夏后太康時失其官守竄於此地

此十六字

又見公

猶修后稷之業勤恤愛民民庶歸之

而國成焉其封域在禹貢雍州岐山之北

公劉

正義引劉在岐山之北十六字

原隰之野至商之末世大王

又避戎狄之難而入處於岐陽民又歸之公

劉之出大王之入雖有其異由有事難之故

皆能守后稷之教不失其德成王之時周公
避流言之難出居東都二年思公劉大王居
豳之職憂念民事至苦之功以比序已志後
成王迎而不武之據反之攝政致大半其出
入也德不固純似於公劉大王之所爲大
師大述其志王意於豳公之事故別其詩以
爲豳豳風焉

王城

王城者周東都王城畿內方六百里之地其

封域在禹貢豫州大華外方之間北得河陽
漸冀州之南始武王作邑於鎬京謂之宗周
是爲西都周公攝政五年成王在豐欲宅洛
邑使召公先相宅旣成謂之王城後漢郡國志河南注
引周公已下至此無在豐從三字是爲東都今河南是也召
公旣相宅周公往營成周今洛陽是也成王
居洛邑遷殷頑民於成周復還歸處西都至
於夷厲政教尤衰十一世幽王嬖褒姒生伯
服廢申后太子宜咎奔申申侯與犬戎攻宗
民國甲戌巳寺曹

周殺幽王於戲晉文侯鄭武公迎宜咎于申而立之是爲平王以亂故徙居東都王城於是王室之尊與諸侯無異其詩不能復雅故貶之謂之王國之變風正義曰周本紀云平王正位五十二年崩太子泄父早死立其子林是爲桓王二十三年崩子莊王他立十五年崩維此三王有詩年崩子莊王他立十五年崩維此三王有詩耳黍離序云閔周室之顛覆言鎬京毀滅則平王詩也君子于役及揚之水葛藟皆云平王詩矣君子陽陽中谷有蕓居從可知免爰序云桓王則本在葛藟之下失其次耳舉上明下采葛大車可知矣邱中有麻序云莊王不明莊王詩矣鄭於左方中以此而知葛藟釋文云案詩譜是平王詩

小雅大雅

小雅大雅者周室居西都豐鎬之時詩也始祖后稷由神氣而生有播種之功於民公劉至于大王王季歷及千載越異代而列世載其功業爲天下所歸文王受命武王遂定天下盛德之隆大雅之初起自文王至于文王有聲據盛隆而推原天命上述祖考之美小雅自鹿鳴至於魚麗先其文所以治內後其武所以治外此二雅逆順之次要於極賢聖

民國甲戌

毛詩譜

大江都朱氏

之情著天道之助如此而已矣大雅生民下
及卷阿小雅南有嘉魚下及菁菁者莪周公
成王之時詩也傳曰文王基之武王鑿之周
公內之謂其道同終始相成比而合之故大
雅十八篇小雅十六篇爲正經其用於樂國
君以小雅天子以大雅然而饗賓或上取燕
或下就何者天子饗元侯歌肆夏合文王諸
侯歌文王合鹿鳴諸侯於鄰國之君與天子
於諸侯同天子諸侯燕羣臣及聘問之賓皆

歌鹿鳴合鄉樂

左傳襄四年正義引天子饗

上有餘字羣臣上有其字儀禮鄉飲酒疏引天子諸侯已下至此諸侯歌文王

天子諸侯已下十九字闕雖正義引天子諸侯燕其羣臣皆歌鹿鳴合鄉樂十五字

此其著畧大校見在書

籍禮樂崩壞不可得詳大雅民勞小雅六月

之後皆謂之變雅美惡各以其時亦顯善懲

過正之次也問者曰常棣閔管蔡之失道何

故列於文王之詩曰閔之閔之者閔其失兄

弟相承順之道至於被誅若在成都王周公之

詩則是彰其罪非閔之故爲隱推而上之因

民國甲戌

毛詩譜

九江都朱氏

文王有親兄弟之義又問曰小雅之臣何以獨無刺厲王曰有焉十月之交雨無正小旻小宛之詩是也漢興之初師移其第耳亂甚焉既移又改其目義順上下刺幽王亦過矣

周頌

周頌者周室成功致大平德洽之詩其作在周公攝政成王卽位之初頌之言容天子之德光被四表格於上下無不覆燾無不持載此之謂容

頌之言已下又見關雎序正義左傳襄一十九年正義正義兩

容下並有也於是和樂興焉頌聲乃作禮運
之謂作謂之曰政也者君之所以藏身也是故夫政必本
於天穀以降命命降於社之謂穀地降於祖
廟之謂仁義降於山川之謂興作降於五祀
之謂制度又曰祭帝於郊所以定天位祀社
於國所以列地利祖廟所以本仁山川所以
儋鬼神五祀所以本事又曰禮行於郊而百
神受職焉禮行於社而百貨可極焉禮行於
祖廟而孝慈服焉禮行於五祀而正法則焉

故自郊社祖廟山川五祀義之修禮之藏也
功大如此可不美報乎故人君必潔其牛羊
饗其黍稷齊明而薦之歌之舞之所以顯神
明昭至德也

正義曰周頌二十一篇左方
中皆以爲周公成王之頌也

魯頌

魯者少昊摯之墟也國中有大庭氏之庫則
大庭氏亦居茲乎在周公歸政成王封其元
子伯禽於魯其封域在禹貢徐州大野蒙羽
之野自後政衰國事多廢十九世至僖公當

周惠王襄王時而遵伯禽之法養四種之馬
牧於坰野尊賢祿士修泮宮守禮教僖十六
年冬會諸侯於淮上謀東略公遂伐淮夷僖
二十年新作南門又修姜嫄之廟至於復魯
舊制未徧而薨國人美其功季孫行父請命
於周而作其頌文公十三年大室屋壞初成
王以周公有大平制典法之勳命魯郊祭天
三望如天子之禮故孔子錄其詩之頌同於
王者之後問者曰列國作詩未有請於周者

行父請之何也曰周尊魯巡守述職不陳其
詩至於臣頌君功樂周室之聞是以行父請
焉周之不陳其詩者爲優耳其有大罪侯伯
監之行人書之商譜正義引此八字亦示覺焉

商頌

商者契所封之地有娥氏之女名簡狄者吞
黿卵而生契堯之末年舜舉爲司徒有五教
之功乃賜姓而封之世有官守十四世至湯
則受命伐夏桀定天下後世有中宗者嚴恭

寅畏天命自度治民祇懼不敢荒寧後有高
宗者舊勞於外爰泊小人作其卽位乃或諒
闇三年不言言乃雍不敢荒寧嘉靖殷邦至
於大小無時或怨此三王有受命中興之功
時有作詩頌之者商德之壞武王伐紂乃以
陶唐氏火正閼伯之墟封紂兄微子啟爲宋
公代武庚爲商後其封域在禹貢徐州泗濱
西及豫州盟豬之野陳譜正義引此八字自後政衰散
亡商之禮樂七世至戴公時當宣王大夫正

民國甲戌

毛詩譜

三
江都朱氏

補刊

考父者校商之名頌十二篇於周大師以那
爲首歸以祀其先王孔子錄詩之時則得五
篇而已乃列之以備三頌周頌譜正義引孔
子錄詩列之以備
三頌著爲後王之義監三代之成功法莫大
十字於是矣問者曰列國政衰則變風作宋何獨
無乎曰有焉乃不錄之王者之後時王所客
也巡守述職不陳其詩亦示無貶黜客之義
也又問曰周大師何由得商頌曰周用六代
之樂故有之

附錄

路寢之常樂風之正經也天子歌周南諸侯

歌召南

二南譜正義禮疏正義引此無也歌竝作以

天子納變雅諸侯納變風其禮同

二南譜正義

師摯之始關雎之亂早失風聲矣

關雎序正義

辭義皆亡

由庚序正義

孟仲子者子思弟子

釋文序錄引子思之弟子五字蓋與孟

軻共事子思後學於孟軻著書論詩毛氏取

以爲說云子思論詩於穆不已仲子曰於穆

民國甲戌

毛詩譜

三三 江都朱氏

不似見維天之命正義

參訂時驗天作正義

元子伯禽封魯次子君陳世守采地禮記檀弓正義

解延年齊人釋文詩序錄

魯扶先釋文論語序錄

大序子夏作小序子夏毛公合作卜商意有

不盡毛更足成之關雎序釋文

魯人大毛公為故訓傳於其家河間獻王得

而獻之以小毛公為博士王氏詩地理攷六

軍亦從容譏諷時蜀大飢先主遊行禁酒於百姓家搜得酒
具則加重刑時雍從先主遊行逢男子於路雍謂主曰
此人欲行姦淫何不縛之曰何以知之日王戎字太
其人身帶淫具與酒具同主大笑遂不搜之
原人也年七歲與諸小兒戲於道傍有李樹其實甚
繁諸小兒爭取唯戎不取人問之戎曰此必苦李嘗之
果然田單殺將兵伐齊閔王乃奔入莒城單入即墨城
世說田單殺閔王莒人殺齒在城堅守數年樂毅引兵圍即墨
遂殺閔王莒人殺齒在城堅守數年樂毅引兵圍即墨
即墨大夫出戰而死城中惟單在乃為謀計堅守又令
婦人乘城上詐言城內欲降願莫殺吾妻子并惠遺燕
王金由是解怠之又取牛千頭悉以繒絲衣之畫作龍
文束刀於牛角束蘆於牛尾以油灌之鑿城開道以火
燒尾縱牛出火光眩耀皆言是龍又城中突燕軍大
驚見牛尾火光眩耀皆言是龍又城中突燕軍大
小弱皆以銅器作聲震動天地燕軍曹瞞字魏略曹操小
大敗死者過半齊拜單為上大夫燕軍曹瞞字魏略曹操小
畋其伯父惡之屢言之於操父父輒苦操一日操方在
山野遙見其伯父來預為風疾倒臥伯父言汝病何以
歸以語操父操久之方歸父迎問曰伯父言汝病何以
得歸操佯為愕然曰瞞何嘗病但伯父惡瞞爾自後其

父不復聽陳平問前漢有人上書告楚王韓信反高帝以
其伯父言迎擒之此一力士之張良史記韓信既下偽游雲
夢信郊以爲然南游果擒信張良使者告高祖曰齊地
事耳帝以假王鎮之高祖怒張良以足躡高祖齊地
新降臣以假王鎮之高祖怒張良以足躡高祖齊地
於是改容曰汝自可爲真齊王何假爲就封信齊王
諸呂崩世家呂太后立諸呂爲王陳平僞聽之及太后田
忌史記魏與趙攻韓韓告急於齊齊使田忌將而往直
魏爲十萬竈明日爲五萬竈又明日爲二萬竈龐涓大
喜曰我聞知齊軍怯入吾地三日士卒亡者過半矣孫
子度其暮至馬陵可伏兵斫大樹白而書之曰龐涓死
于此樹下令萬弩夾道而伏期日暮見火舉而俱發涓
果夜至斫木下鑽火燭之讀未畢萬弩俱發魏軍大亂
范雎伏匿秦昭王使王稽使魏鄭安平詐爲卒侍王稽
稽問魏有賢人乎安曰於是引魏鄭安平詐爲卒侍王稽
秦望見車騎來者曰謂誰稽曰秦相穰侯魏曰吾聞
穰侯惡內諸侯客我且匿車中穰侯至勞稽因曰得无
穰侯見事遲此必悔雎下車走國稽曰不敢別去雎曰

中索之陳平漢書項王聽范增急攻漢王於滎陽漢王
无乃已患之項王使者來陳平使者為具太牢舉
欲進之見使者食項王使者使者歸以告項王疑增與漢
持去以惡食有私奪之權
增發背死

贊曰 可與適道 未可與權 事之未明

疑似之間 非聖莫識 處之誠難

戰國縱橫 譎詐相先 權以私己

智以利言 從斯以降 至道終焉

斷獄篇第二十

邴吉字少卿北海人漢宣武帝時為丞相陳留有一老
翁又娶一妻復生一子後翁死妻育子數年前妻女欲
舐財物乃誣後母所生非我父之肩郡縣不能斷聞於
臺省吉為廷尉出決疑獄曰吾聞老人之子不耐寒日
中无影遂八月中取同歲小兒勻以單衣諸小兒不寒

答曰立謂日食者異也於民無困哭之爲非
其所裁害不害穀物故哭非禮也董仲舒曰
雩求雨之術呼嗟之歌國風周南小雅鹿鳴
燕禮鄉飲酒大射之歌焉然則雲漢之篇亦
大旱之歌考異郵曰集二十四旱志立服而
雩緩刑理祭祭一作察案當是理瘞之謫挺罪赦過呼嗟
哭泣以成發氣此數者亦大裁歌哭之證也
多裁哀也歌者樂也今喪家輓歌亦謂樂乎
孔子哭則不歌是出何經論語曰子於是日

答臨孝存周禮難

二

哭則不歌謂一日之中既以哀事哭又以樂而歌是爲哀樂之心無常非所以譏此禮

周禮

女巫

疏

孟子當赧王之際王制之作復在其後

禮記曰錄

正義

王畿方千里者凡九百萬夫之地三分去一

定受田者三百萬夫出都家之田以其餘地之稅祿無田者下士食九人中士食十八人上士三十六人下大夫七十二人中大夫百

四十四人卿二百八十八人

禮記王制正義

通德堂經解

逸書考

魯禮禘祫義

甘泉黃奭學

王制記先王之法

七字又見王制正義

度宗廟之祭春

曰禘夏曰禘秋曰嘗冬曰烝祫爲大祭

四字又見

王制於夏於秋於冬

王制正義引此作

周公

制禮

四字又見王制正義

祭不欲數王制乃

改先王夏祭之名爲禘

闕宮正義乃本作周

正義引此作禘又爲大祭

天保正義故禘以孟

宋志

夏先王祫於三時周人一焉祫以孟秋

增

二

閔宮正義本作則宜以秋此依宋志宋書禮志三引禘以孟夏祫以孟秋八字

大王王季以上遷主祭于后稷之廟其坐位與祫祭同文武以下遷主若穆之遷主祭于文王之廟文王居室之奧東面文王孫成王居文王之東而北面以下穆主直至親盡之祖以次繼而東皆北面無昭主若昭之遷主祭于武王之廟武王亦居室之奧東面其昭孫康王亦居武王之東而南面亦以次繼而東直至親盡之祖無穆主也

禮書七十一

祫備五齊三酒禘以四齊二酒祫用六代之

樂禘用四代之樂

同上

其尸后稷廟中后稷尸一昭穆尸各一文王
廟中文王尸一穆尸共一武王廟中武王尸
一昭尸共一其五齊自醴齊而下四齊而已
無泛齊酒亦三酒所陳設之處所加之明水
元酒等一如禘祭于文王之廟無降神之樂
其裸尊用雞彝鳥彝朝踐用兩犧尊其迎尸
出在堂之時其后稷文武之尸皆南向餘尸

民國甲戌

魯禮禘祫義

二江都朱氏

補

主于室中之左右也合樂時作四代之樂其

祭禮后稷文王武王廟中每廟各一日繹祭

則同

通典案其尸上有大王王季至穆主也一段已載禮書不重錄

春秋

魏書禮志四之二

魯莊公以其三十二年秋八

月薨閔二年五月而吉禘

王制正義無公以其秋而五字薨上

有公

此時慶父使賊殺子般之後

王制正義無此使賊

三閔公心懼於難

王制正義無閔心二字

不得時葬葬

則去首經於門外乃入

此十四字依王制正義增務自尊

本諷專依王制正義宋禮志改

成以厭其禍若已練然

四字依王

制正義增至二年春其閒有閏二十一月禪除喪

夏四月則禘王制正義引云免喪又速二年

公心懼於難務自尊成以厭其禍凡二十二月而除喪又不禪二月之二字誤既禘

又卽以五月禘于其廟既禘于其廟依比月

大祭故譏其速譏其速者明當異歲王制正義無此

入也經獨言吉禘于莊公王制正義無此閔公之

服凡二十一月於禮少四月又不禪云吉禘

譏其五字依王無恩也魯閔公以二年秋八

月薨玄鳥正義無以字薨上有君字此依僖

民國甲戌

二年除喪始禘大廟

四字依王制正義增

而明年春

王制

正義無而

禘於羣廟

於羣廟依王制正義增

自此之

王制

正義後乃

王制正義無乃字

五年再殷祭六年禘八

年春當禘以正月會王人于洮故七月而禘

春已下十六字依曾子問正義增彼正義所

引僖公八年春至而禘凡二十字王制正義

云故入經曰秋七月禘于大廟用致夫人然

年禘

致夫人自魯禮因禘事而致哀姜故譏焉

王制

正義無此

魯僖公以其三十三年冬十二月

三十三年

冬十二月

王制正義

薨魯其冬三字

文二年秋八月禘

王制正義無此七字

僖薨至此而除王制正義作至閒有閑積二

十一月從閏除喪不禫故從下七字王明月

即祫經云八月丁卯大事于大廟躋僖公於

文公本作僖公此之服亦少四月不刺者有

恩也王制正義以其逆祀故特譏之八字依

義魯文公以其十八年春二月薨王制正義

春四字入本譌六宣二年除喪而祫明年春

王制正義無于羣廟依王自此之

後亦制亦字依王五年而再殷祭與僖為之同

王制正義無六年祫故八年禘經曰夏六月而為之三字

辛巳有事于大廟仲遂卒于垂說者以為

事謂禘為仲遂卒張本故略之言有事焉

已下三十八字魯昭公十一年夏五月壬人

王制正義無

歸氏薨十三年夏魏志無五月大雩九月而

魏志禘公會劉子及諸侯于平邱不得志

魏志無八月歸不及魏志及下祫冬公如晉

昭十四年春歸乃魏志無祫故魏志十五年

春乃禘經曰二月癸酉有事于武宮經曰禘

子武公

魏書禮志四之二引昭公十一年已下于此承春秋下曾子問正義云昭

十一年齊歸薨十三年會于平邱冬公如晉不得祫至十四年乃追而祫之十五年乃祫

也及二十五年傳將祫于襄公此則十八年

祫二十年祫二十三年祫二十五年祫於茲

明矣

王制正義引云昭十一年五月夫人齊歸薨十三年平邱之會歸不及祫冬公

如晉昭十四年春歸乃祫故十五年春乃祫經云二月癸酉有事于武宮至十八年祫二

十年祫二十三年祫二十五年祫于襄公也其引自魯莊三十二年已下至此舊唐書禮

儀志六史琛議引祫祫志云春秋僖公三十三年十二月薨文公二年八月丁卯大享于

大廟公羊傳云大享者何祫也是三年喪畢新君二年當祫明年當祫于羣廟又宣公八

年

年禘僖公宣公八年皆有禘則後禘去前禘
五年以此定之則新君二年禘三年禘自爾
已後五年而再殷祭則六年當禘八年當禘
又昭公十一年齊歸薨至十三年喪畢當禘
爲平邱之會冬公如晉至十八年禘二十年
禘二十三年禘二十五禘昭公二十五年
有事于襄宮是也唐書韋縠傳傳文與此略
同而公如晉下有至十四年禘十五年禘傳
云有事于武宮 十一年薨歸薨十五年喪終
是也十八字 之禘不擇月定公八年冬十月順祀先公以
陽虎作亂求福先公特爲此祭故不用常月
此四十五字 儒家之說禘祫也通俗不同二
見王制正義 又見閔宮正 或云歲祫終禘或云三年一禘
義而無也字

五年再禘

此十六字依閼宮正義增

學者競傳其閒是用

詘詘爭論從數百年來矣竊念春秋者書天子諸侯中失之事得禮則善違禮則譏可以發起是非故據而述焉從其禘祫之先後考其疏數之所由而粗記注焉魯禮三年之喪畢則祫於大祖明年春禘於羣廟僖也宣也八年皆有禘祫祭則公羊傳所云五年而再殷祭祫在六年明矣明堂位曰魯王禮也以相準況可知也

詩左鳥序正義王制正義又引明堂已下末句作以此相

推況
可知

五年殷禘祭各就其廟

詩長
發疏